


Cronfa Buddsoddiadau Cyffredin yr Eglwys yng Nghymru



**Adroddiad Blynyddol a Datganiadau Ariannol am y
flwyddyn a ddaeth i ben ar 31 Rhagfyr 2017**



Cronfa Buddsoddiadau Cyffredin yr Eglwys yng Nghymru

Cynnwys

| | |
|---|----|
| Adroddiad yr Ymddiriedolwr | 1 |
| Datganiad o Gyfrifoldebau'r Ymddiriedolwr | 6 |
| Gwybodaeth Weinyddol..... | 7 |
| Adroddiad yr Archwilwyr Annibynnol | 8 |
| Datganiad o Gyfanswm y Derbyniadau..... | 10 |
| Mantolen..... | 11 |
| Nodiadau ar y Datganiadau Ariannol..... | 12 |

Cronfa Buddsoddiadau Cyffredin yr Eglwys yng Nghymru

Adroddiad yr Ymddiriedolwr

Strwythur

Cynllun buddsoddi cyfunol yw Cronfa Buddsoddiadau Cyffredin yr Eglwys yng Nghymru. Fe'i sefydlwyd gan Gorff Cynrychiolwyr yr Eglwys yng Nghymru (Corff y Cynrychiolwyr) dan gynllun a gymeradwywyd gan y Comisiwn Elusennau ar 11 Rhagfyr 2008, er mwyn buddsoddi arian sy'n perthyn i unrhyw elusen y mae Corff y Cynrychiolwyr yn Ymddiriedolwr arni neu sydd o fudd i elusen o'r fath.

Corff y Cynrychiolwyr yw ymddiriedolwyr y Gronfa Buddsoddiadau Cyffredin, ac mae wedi penodi ei Bwyllgor Buddsoddi i'w goruchwyllo. Bydd y Pwyllgor Buddsoddi yn cyfarfod bedair gwaith y flwyddyn, yn derbyn adroddiadau chwarterol oddi wrth Reolwr y Gronfa, ac yn monitro strategaeth y Gronfa a'i pherfformiad. Rheolir y Gronfa gan Reolwr y Gronfa (Newton Investment Management) yn unol â Chytundeb Rheoli Buddsoddiadau, ac fe'i gweinyddir gan staff Corff y Cynrychiolwyr.

Rheolir y Gronfa gan Reolwr y Gronfa (Newton Investment Management) yn unol â Chytundeb Rheoli Buddsoddiadau, ac fe'i gweinyddir gan staff Corff y Cynrychiolwyr.

Disgrifiad o'r Gronfa

Mae'r Gronfa'n addas at fuddsoddi gan blwyfi pan ddymunir twf hirdymor mewn cyfalaf, lefel resymol o incwm a chynnydd mewn incwm. Nid yw'n addas i ddal arian y mae'n debyg y bydd ei angen yn y dyfodol agos.

Gellir buddsoddi cronfeydd plwyfol ac ymddiriedolaethau cymynroddion a rhoddion yn y Gronfa.

Rhennir yr ymddiriedolaethau a ddelir yn y Gronfa yn ymddiriedolaethau gwariadwy ac ymddiriedolaethau anwariadwy. Yn y rhan fwyaf o achosion, fe grynhoir incwm ymddiriedolaethau gwariadwy ac yna naill ai ei ail-fuddsoddi neu ei dalu i'r plwyf. Fel rheol, dosberthir incwm ymddiriedolaethau anwariadwy yn chwarterol.

Adroddiad Buddsoddi

Amcanion Buddsoddi

Ystyrir y Gronfa yn gyfrwng buddsoddi tymor canol i hirdymor i ymddiriedolaethau a chronfeydd plwyfol, a'i nod a'i diben yw:

- cydbwysio lefelau cynaliadwy o incwm â thwf mewn cyfalaf;
- cael y cyfanswm derbyniadau uchaf posibl heb risg dianghenraid;
- gweithredu o fewn cyfyngiadau Polisi Buddsoddi Moesegol yr Eglwys yng Nghymru.

Meincnod Perfformiad

Caiff perfformiad y Gronfa ei fesur ar sail cyfanswm enillion (yr enillion cyfunol o incwm a chyfalaf) yn erbyn y Teknometry CIG Charity Fund Universe a chyflwynir adroddiad i'r Pwyllgor Buddsoddi bob chwarter.

Mae'r Teknometry CIG Charity Fund Universe yn cynnwys nifer fawr o gronfeydd elusen ac felly mae'n darparu cymhariaeth o berfformiad y Gronfa yn erbyn cyfartaledd enillion cronfeydd elusennau eraill.

Polisi Buddsoddi Moesegol

Buddsoddir y Gronfa yn unol â Pholisi Buddsoddi Moesegol yr Eglwys yng Nghymru, a mabwysiadwyd fersiwn ddiwygiedig ohono gan Gorff Llywodraethol yr Eglwys yng Nghymru ym mis Ebrill 2016.

Mae'r Polisi'n gwahardd buddsoddi mewn cwmnïau y mae a wnelont ag arfau, gweithgareddau benthyca rheibus a phornograffi, yn cyfyngu ar fuddsoddi mewn cwmnïau y mae a wnelont â gamblo, alcohol a thybaco, glo thermol a thardywod ac yn ceisio hyrwyddo graddfeydd da o lywodraethu corfforaethol a chyfrifoldeb cymdeithasol. Ceir copi llawn o'r Polisi yn Adroddiad Blynyddol a Chyfrifon Corff Cynrychiolwyr yr Eglwys yng Nghymru, ac y mae hefyd ar wefan yr Eglwys yn www.eglwysyngnghymru.org.uk.

Rheolwyr Buddsoddi

Penodwyd Newton Investment Management (Newton) i reoli'r gronfa fuddsoddi yn y gyfnwidfa stoc yn 2010 ar fandad Aml-Asedau Byd-Eang.

Cronfa Buddsoddiadau Cyffredin yr Eglwys yng Nghymru

Adroddiad yr Ymddiriedolwr

Asedau

Dyma amrediad y dosbarthiadau asedau am 2017:

| Dosbarth Asedau | Ecwitiâu'r DU | Ecwitiâu Tramor | Llog Sefydlog | Amgen | Arian |
|----------------------|---------------|-----------------|---------------|-------|-------|
| Amrediad Dosbarthu | 15-35% | 10-55% | 15-35% | 0-10% | 0-25% |
| Dyraniad ar 31/12/17 | 22% | 39% | 20% | 10% | 9% |

Roedd y Gronfa wedi'i buddsoddi yn y sectorau ecwitiâu canlynol ar 31 Rhagfyr 2017:

| | | | |
|-------------------------|-------|----------------------|------|
| Ariannol | 13.2% | Olew a Nwy | 5.0% |
| Technoleg | 11.9% | Telathrebu | 4.3% |
| Gwasanaethau Defnyddwyr | 8.2% | Gofal Iechyd | 3.8% |
| Diwydiannau | 5.2% | Cyfleustodau | 3.4% |
| Nwyddau Defnyddwyr | 5.1% | Deunyddiau Sylfaenol | 2.1% |

Y deg daliad uchaf yn y Gronfa ar 31 Rhagfyr 2017 oedd:

| Stoc | Gwerth £000 | % o'r Gronfa |
|--------------------------------------|-------------|--------------|
| 1.25% Stoc Trysorlys y DU 2018 | 2,679 | 5.0 |
| 3.25% Stoc Trysorlys y DU 2044 | 1,820 | 3.4 |
| Royal Dutch Shell Plc | 1,809 | 3.4 |
| Applied Materials Inc | 1,291 | 2.4 |
| Infineon Technologies AG | 1,264 | 2.3 |
| Samsung SDI | 1,161 | 2.2 |
| 4.25% Stoc Trysorlys y DU 2036 | 1,053 | 2.0 |
| International Public Partnership Ltd | 994 | 1.8 |
| 5% Stoc Trysorlys y DU 2025 | 961 | 1.8 |
| Greencoat UK Wind Plc | 940 | 1.7 |

Cronfa Buddsoddiadau Cyffredin yr Eglwys yng Nghymru

Adroddiad yr Ymddiriedolwr

Cynhyrchodd y Gronfa gyfanswm derbyniadau o 10.7% yn 2017 o gymharu ag enillion meincnod o 10.1% a chwyddiant o 4.1%.

Mae'r Gronfa wedi perfformio'n well na'r Meincnod dros y cyfnodau 3 a 5 mlynedd hyd at 31 Rhagfyr 2017 hefyd, gan gynhyrchu cyfanswm enillion blyneddol o 9.5% a 11.3% yn y drefn honno.

Perfformiad

| Cyfanswm derbyniadau blyneddol hyd at 31 Rhagfyr | 2017 % | 2016 % | 2015 % | 3 blynedd % | 5 blynedd % |
|--|--------|--------|--------|-------------|-------------|
| Cronfa | 10.7 | 16.5 | 1.7 | 9.5 | 11.3 |
| Meincnod | 10.1 | 13.0 | 2.3 | 8.4 | 9.1 |
| Mynegai Prisiau Adwerthu | 4.1 | 2.5 | 1.2 | 2.6 | 2.4 |

Arolwg o'r Farchnad yn 2017

Roedd buddsoddwyr yn wynebu amrywiaeth o heriau dros gyfnod lle'r oedd gwleidyddiaeth a pholisi ariannol yn dylanwadu'n sylweddol ar farchnadoedd ariannol.

Parhaodd yr amodau ewfforig a ddilynodd fuddugoliaeth etholiad arlywyddol Donald Trump yn UDA ym mis Tachwedd 2016 am lawer o chwarter cyntaf 2017, gydag optimistiaeth yn ymddangos fel petai'n seiliedig ar y tebygrwydd y byddai toriadau treth, dadreoleiddio ac ysgogiad ariannol yn yr Unol Daleithiau'n cynyddu galw, ac felly elw corfforaethol. Fodd bynnag, roedd tynnu bil gofal iechyd yr arlywydd yn ôl ym mis Mawrth yn fodd o'n hatgoffa bod gan yr angen i sicrhau ymrwymiad etholaethau ehangach y potensial i rwystro llawer o'i gynigion polisi. Er bod data go iawn ar yr economi yn parhau'n gymysg, roedd y Gronfa Ffederal yn ystyried y cefndir yn ddigon gwydn i gyfiawnhau cynnydd pellach mewn cyfraddau llog yn yr Unol Daleithiau.

Parhaodd mynegeion ecwiti byd-eang i symud yn uwch i'r ail chwarter, er yn arafach. Roedd datganiadau enillion (a oedd yn gadarnhaol ar y cyfan), gweithgarwch banc canolog a data economaidd (y naill a'r llall yn fwy cymysg) yn dylanwadu'n sylweddol ar deimlad buddsodwr, er mai ffactorau gwleidyddol oedd yn cael y rhan fwyaf o'r sylw yn y penawdau unwaith eto. Roedd ysgarmesoedd yr Arlywydd Trump gyda'r FBI, Gogledd Corea a Syria (i enwi ond rhai) yn tanseilio hyder yn ei weinyddiaeth, gan gyfrannu at ddadfeilio'r hyn a elwir yn 'fasnach Trump' ymhellach. Mewn manau eraill, cafwyd canlyniadau cyferbyniol mewn etholiadau yn Ffrainc a'r DU, y naill yn rhoi mwy o sicrwydd tra

bod y llall wedi gwanhau cryfder a sefydlogrwydd tybiedig y llywodraeth. Wrth i'r chwarter ddod i ben, gwnaeth agwedd llai cymodlon Mario Draghi, Llywydd Banc Canolog Ewrop beri dychryn i farchnadoedd bondiau ac ecwiti, gan arwain at gynydd sydyn mewn ansefydlogrwydd oherwydd pryderon ynghylch tynnu ysgogiad ariannol yn ôl.

Gwelodd trydydd chwarter 2017 berfformiad cryf pellach gan farchnadoedd ecwiti, a gafodd eu cynnal gan dwf economaidd byd-eang ehangach, momentwm enillion corfforaethol cadarnhaol, a, thua diwedd y chwarter, brwdfrydedd ynghylch cynigion diwygio treth yr Unol Daleithiau. Grym i'r gwrthwyneb, ar gyfer llawer o'r cyfnod adolygu, oedd geowleidyddiaeth, gyda'r fflachbwynt mwyaf nodedig yn sgil y tensiynau cynyddol ar benrhyn Corea wrth i Ogledd Corea gyfnewid rhethreg elyniaethus gyda'r Unol Daleithiau a'i chynghreiriaid yn y rhanbarth. Yn y cyfamser, y thema gyffredin ymysg bancwyr canolog oedd tynnu'r ysgogiad ariannol yn ôl sydd wedi darparu llawer o'r gefnogaeth i brisiau bondiau yn y blyneddol diwethaf. Roedd Sterling ar ei ennill dros y chwarter yn sgil rhagweld cytundeb trosiannol rhwng y DU a'r Undeb Ewropeaidd, ac wrth i Fanc Lloegr fynegi ei fwriad i godi cyfraddau llog ym mis Tachwedd.

Ar y cyfan yn ystod misoedd olaf 2017 cafwyd mwy o'r tawelwch a welwyd yn rhannau cynharach y flwyddyn, gydag ansefydlogrwydd y farchnad stoc yn cyrraedd lefelau is nag erioed. Un sbardun allweddol i'r enillion cadarn a welwyd gan ecwiti'r Unol Daleithiau yn arbennig oedd pasio bil treth yr Arlywydd Trump, sy'n mynd i ostwng y baich treth ar gyfer corfforaethau'r Unol Daleithiau. Gyda thwf masnach fyd-eang yn parhau, ailgychwynnodd doler yr Unol Daleithiau

Cronfa Buddsoddiadau Cyffredin yr Eglwys yng Nghymru

Adroddiad yr Ymddiriedolwr

ar ei thuedd am i lawr, a barhaodd tan ddiwedd y flwyddyn. Mewn manau eraill, cafodd ecwitiau Japaneaidd enillion trawiadol ar ôl i'r Prif Weinidog Abe ennill buddugoliaeth bendant yn dilyn ei benderfyniad i alw etholiad dirybudd. Fodd bynnag, yn Ewrop, lle'r oedd ansicrwydd gwleidyddol yn yr Almaen a Sbaen, roedd yr enillion yn is. O fewn marchnadoedd llog sefydlog, gwarantau â dyddiad byrrach a chanolig ddiroddedd fwyaf yn sgil yr agwedd fwy ymosodol a oedd yn deillio o fancwyr canolog wrth i'r Gronfa Ffederal godi cyfraddau llog ac i Fanc Canolog Ewrop gyhoeddi bwriad i gulhau ei rhaglen lliniaru meintiol ymhellach.

Gwnaeth ecwitiau marchnadoedd sy'n datblygu enillion o +25.4% dros y cyfnod, gydag ecwitiau Asia-Môr Tawel ac eithrio Japan yn profi enillion o +20.3% yn nhermau sterling. Yn y cyfamser, gwnaeth ecwitiau Ewropeaidd (ac eithrio'r DU) enillion o +17.5% i fuddsoddwyr yn y DU, gydag ecwitiau Japan yn gwneud enillion o +14.4%. Cynhyrchodd ecwitiau'r DU a Gogledd America enillion cadarnhaol o +13.1% a +11.3%.

Roedd enillion o fondiau yn llai dros y cyfnod. Gwnaeth bondiau corfforaethol enillion o +4.3% i fuddsoddwr yn y DU dros y 12 mis, a gwnaeth giltiau enillion o +1.8%, tra bod bondiau'r llywodraeth dramor wedi gwneud enillion negyddol o -2.7% yn nhermau sterling.

Strategaeth Fuddsoddi

Buddsoddir y portffolio mewn daliadau uniongyrchol, yn ecwitiau a bondiau fel ei gilydd, er mwyn cydymffurfio â Pholisi Buddsoddi Moesegol yr Eglwys yng Nghymru. Er mwyn cynnal proffil risg priodol y portffolio, mae'r daliadau'n amrywio o ran sector, diwydiant, daearyddiaeth ac arian cyfred. Yn unol â chynghor y Comisiwn Elusennau, nid oes yr un daliad (ac eithrio ym mondiau llywodraeth y DU) sy'n werth mwy na 5% o'r portffolio.

Rhagolwg

Mae'r rhagolygon ar gyfer marchnadoedd ariannol yn parhau i fod yn ddibynnol ar gyfuniad o lu o bolisiau yn y meysydd gwleidyddol, economaidd ac ariannol. Mae diffynnyddiaeth fyd-eang ar gynydd wrth i weinyddiaeth yr Unol Daleithiau ddefnyddio polisiau masnach i wneud iawn am gamweddau tybiedig a gwarchod yn erbyn anfanteision strwythurol i economi'r Unol Daleithiau yn y dyfodol. Mae'r rhain a'r gwrth-fesurau gan eu

partneriaid masnachu, ynghyd â bygythiadau i fasnach Ewropeaidd yn sgil cytundeb Brexit yn y pen draw, yn golygu bod yna berygl o leihad yng nghyfradd twf bosibl yr economi fyd-eang. Ar y llaw arall, ymddengys bod y diwygiadau treth a roddwyd ar waith gan weinyddiaeth yr Unol Daleithiau wedi cymell buddsoddi yn y tymor byr o leiaf, a rhagwelir y byddant yn hybu twf yn economi'r Unol Daleithiau, er bod hirhoedledd yr hwb a'r effeithiau yn sgil hynny i weddill y byd yn ymddangos yn fwy ansicr.

Er ei fod yn dal i fod ar lefelau isel, mae chwyddiant cynyddol yn peri pryder i fuddsoddwyr byd-eang wrth i awdurdodau ariannol ymateb trwy godi cyfraddau llog a lleihau'r esmwytho meintiol a wneir yn y system ariannol - mae'r naill a'r llall yn cynrychioli risgiau o ddirywiad i brisiau rhai asedau ariannol. Mae tensiynau geo-wleidyddol yn cynyddu hefyd, yn enwedig gyda pherthynas Rwsia gyda'i phartneriaid yn cael ei herio gan nifer o honiadau o ymyrraeth wleidyddol a diogelwch ledled y byd, ac yn Tsieina, mae'n rhaid i arweinydd cynyddol bwerus a llawdrwm lywio'r wlad ar lwybr o bontio economaidd i dwf cynaliadwy wrth osgoi peryglon trosoledd ariannol gormodol.

Fodd bynnag, mae llawer o gyfleoedd twf strwythurol hirdymor, a nodir gan ein themâu, yn parhau i'n buddsoddwyr fanteisio arnynt a byddwn yn parhau i ymdrechu i'w canfod ond gan asesu rhagolygon twf a phriodoldeb prisiau'r asedau sydd gennym yn y portffolio.

Rhybudd o Risg

Gall gwerth y Gronfa Buddsoddiadau Cyffredin a'r incwm sy'n deillio ohoni ddisgyn yn ogystal â chodi, ac nid oes unrhyw warant. Golyga hyn ei bod yn bosibl na chaiff plwyfi y swm a fuddsoddiwyd yn wreiddiol yn ôl. Nid yw perfformiad yn y gorffennol yn warant o enillion yn y dyfodol. Bydd gwerth y cyfranddaliadau yn y Gronfa yn adlewyrchu'r newidiadau ym mhreis dosbarthiadau'r asedau y buddsoddir y Gronfa ynddynt a'r symudiadau yng nghyfraddau cyfnewid arian tramor.

Cronfa Buddsoddiadau Cyffredin yr Eglwys yng Nghymru

Adroddiad yr Ymddiriedolwr

Ystadegau'r Gronfa *Yn seiliedig ar bris canolig ac nid ar bris y cynnig.

| Dyddiad Prisio | Cyfranddaliadau yn y Dyroddiad | Gwerth Clir yr Ased * (ceiniog y cyfranddaliad) | Difidend Blynnyddol (ceiniog y cyfranddaliad) | Llog | Cyfanswm Gwerth y Gronfa £000 |
|-----------------|--------------------------------|--|--|-------|----------------------------------|
| 1 Ionawr 2009 | 25,962,753 | 100.00 | | | |
| 31 Rhagfyr 2009 | 27,008,033 | 118.49 | 3.61 | 3.05% | £32,002 |
| 31 Rhagfyr 2010 | 26,940,059 | 124.41 | 4.02 | 3.23% | £33,517 |
| 31 Rhagfyr 2011 | 26,908,705 | 118.32 | 4.47 | 3.78% | £31,839 |
| 31 Rhagfyr 2012 | 27,224,411 | 125.54 | 4.30 | 3.43% | £34,177 |
| 31 Rhagfyr 2013 | 27,509,681 | 141.72 | 4.09 | 2.89% | £38,986 |
| 31 Rhagfyr 2014 | 28,824,005 | 152.75 | 4.16 | 2.72% | £44,030 |
| 31 Rhagfyr 2015 | 29,033,039 | 150.36 | 4.35 | 2.89% | £43,654 |
| 31 Rhagfyr 2016 | 29,207,207 | 169.91 | 4.24 | 2.49% | £49,627 |
| 31 Rhagfyr 2017 | 29,426,621 | 183.17 | 4.25 | 2.32% | £53,900 |

Cronfa Buddsoddiadau Cyffredin yr Eglwys yng Nghymru

Datganiad o Gyfrifoldebau'r Ymddiriedolwr

Mae'r Ymddiriedolwr (Corff y Cynrychiolwyr) yn gyfrifol am baratoi Adroddiad yr Ymddiriedolwr a'r datganiadau ariannol yn unol â'r gyfraith berthnasol ac â Safonau Cyfrifyddu'r Deyrnas Unedig (yr Arfer a Dderbynnir yn Gyffredin yn y Deyrnas Unedig).

Mae'r gyfraith sy'n berthnasol i elusennau yng Nghymru a Lloegr yn gofyn i'r Ymddiriedolwr baratoi datganiadau ariannol ar gyfer pob blwyddyn ariannol, sy'n rhoi darlun gwir a theg o gyflwr y Gronfa Buddsoddiadau Cyffredin ac o'r incwm clir, yr enillion cyfalaf clir a'r newid yn yr asedau clir dros y cyfnod hwn.

Wrth baratoi'r datganiadau ariannol hyn, rhaid i'r Ymddiriedolwyr:

- ddethol polisïau addas a'u cymhwyso gyda chysondeb;
- dilyn dulliau ac egwyddorion y Datganiad o Arfer a Argymhellir i Gronfeydd Awdurdodedig a gyhoeddwyd gan yr IMA ym Mai 2014 a'u diweddarau yn Rhagfyr 2015;
- gwneud penderfyniadau ac amcangyfrifon sy'n rhesymol ac yn ddarvoudus;
- datgan a ddilynwyd Safonau Cyfrifyddu perthnasol, ac eithrio unrhyw wahaniaethau a ddatgelir ac a esbonnir yn y datganiadau ariannol;
- paratoi'r datganiadau ariannol ar sail busnes gweithredol, onid yw'n anaddas cymryd yn ganiataol y bydd y Gronfa'n parhau i weithredu.

Mae'r Ymddiriedolwr yn gyfrifol am gadw cofnodion cyfrifyddu priodol a fydd yn dangos yn rhesymol gywir ar unrhyw amser sefyllfa ariannol y Gronfa Buddsoddiadau Cyffredin ac yn galluogi'r Ymddiriedolwr i sicrhau bod y datganiadau ariannol yn cydymffurfio â gofynion Deddf Elusennau 2011, Rheoliadau (Cyfrifon ac Adroddiadau) Elusennau 2008 a darpariaethau'r weithred ymddiriedolaeth. Mae'r Ymddiriedolwr hefyd yn gyfrifol am warchod asedau'r Gronfa Buddsoddiadau Cyffredin ac, o ganlyniad, am gymryd camau rhesymol i rwystro ac i ddatgelu twyll ac afreoleidd-dra.

Cronfa Buddsoddiadau Cyffredin yr Eglwys yng Nghymru

Gwybodaeth Weinyddol

Buddsoddi yn y Gronfa

Gellir buddsoddi cymynroddion, arian plwyfol ac ymddiriedolaethau yn y Gronfa trwy gwblhau gweithred ymddiriedolaeth yn penodi Corff y Cynrychiolwyr yn Ymddiriedolwr. Gellir cael copi gan Gyfreithiwr Ymddiriedolaeth Corff y Cynrychiolwyr, Miss Natasha Aldridge.

Buddsoddir bob chwarter (Mawrth, Mehefin, Medi a Rhagfyr) ar sail prisiant o'r gronfa ar ddiwedd y chwarter.

Amodau'r rhodd neu'r gymynrodd a fydd yn penderfynu a fuddsoddir yr arian fel arian gwariadwy neu arian anwariadwy, a hynny, yn ei dro, fydd yn penderfynu a delir incwm yn chwarterol ar gais y plwyf.

Incwm

Os oes incwm ar gael at amcanion penodol, fel atgyweirio'r eglwys, fe'i dosberthir pan dderbynnir y dogfennau canlynol:

- copi o Gofnod y Cyngor Plwyf Eglwysig yn datgan bod y Cyngor yn dymuno cael swm penodol o'r arian a ddelir mewn ymddiriedolaeth (nodwch enw neu gyfeirnod PT yr ymddiriedolaeth) a pham mae angen yr arian; a
- llythyr cais wedi'i lofnodi gan y periglor a'r ddau warden eglwys sy'n gofyn am swm penodol, pam mae angen yr arian ac enw/cyfeirnod y gronfa ymddiriedolaeth y mae'r cyfranddaliadau i'w gwerthu ohoni; a
- dyfynbris neu anfoneb am y swm y gofynnwyd amdani o leiaf. Gan fod yr Ymddiriedolwyr dan ddyletswydd ymddiriedol i sicrhau bod yr arian yn cael ei ddefnyddio yn unol â thelerau'r ymddiriedolaeth os caiff dyfynbrisiau, yn hytrach nag anfonebau, eu cyflwyno, bydd arian yn cael ei ryddhau ar ôl derbyn anfoneb daledig neu, fel arall, gallwn drefnu talu'r anfoneb yn uniongyrchol i'r contractwr. Yna gellir ffeilio'r anfonebau fel tystiolaeth bod yr arian wedi'i ddefnyddio yn unol â thelerau'r ymddiriedolaeth.

**Dylid cyfeirio cwestiynau am fuddsoddiadau a chodi arian o'r gronfa at Miss Natasha Aldridge
Ffoniwch 029 2034 8230 neu e-bostiwch natashaaldrige@churchinwales.org.uk**

Cynghorwyr

Cynghorwyr Buddsoddi:
Newton Investment Management
BNY Mellon Financial Centre
160 Queen Victoria Street
Llundain
EC4V 4LA

Archwilwyr Annibynnol:
haysmacintyre
10 Queen Street Place
Llundain
EC4R 1AG

Gweinyddiaeth Gyffredinol:
Louise Davies
Pennaeth Cyllid
2 Sgwâr Callaghan
Caerdydd
CF10 5BT

Datganiadau Blynyddol yr Ymddiriedolaeth

Pan na fydd plwyf yn derbyn incwm bob chwarter na hysbysiad dosbarthu blynyddol, fe gaiff ddatganiad blynyddol gan yr ymddiriedolaeth ar ddiwedd pob blwyddyn yn dangos yr incwm a'r gwariant a phob trafod a fu ar gyfranddaliadau'r ymddiriedolaeth.

Bydd y wybodaeth hon yn angenrheidiol ar gyfer cyfrifon blynyddol y plwyf.

Bydd plwyfi sy'n derbyn incwm chwarterol yn derbyn hysbysiad dosbarthu ar ddiwedd pob blwyddyn yn dangos nifer eu cyfranddaliadau yn yr ymddiriedolaeth, a'u gwerth, a bydd y wybodaeth honno'n ddigonol ar gyfer cyfrifon blynyddol y plwyf.

Tynnu Cyfalaf neu Incwm o'r Gronfa

Os yw telerau'r ymddiriedolaeth yn caniatáu codi arian cyfalaf a chronedig, yna bydd angen cymeradwyaeth yr Ymddiriedolwyr fel arfer. Mae'r Ymddiriedolwyr yn cyfarfod bedair gwaith y flwyddyn a bydd angen y dogfennau canlynol arnynt:

- copi o Gofnod y Cyngor Plwyf Eglwysig yn datgan bod y Cyngor yn dymuno cael swm penodol o'r arian a ddelir mewn ymddiriedolaeth (nodwch enw neu gyfeirnod PT yr ymddiriedolaeth) a pham mae angen yr arian; a
- llythyr cais wedi'i lofnodi gan y periglor a'r ddau warden eglwys sy'n gofyn am swm penodol, pam mae angen yr arian ac enw/cyfeirnod y gronfa ymddiriedolaeth y mae'r cyfranddaliadau i'w gwerthu ohoni; a
- dyfynbris neu anfoneb am y swm y gofynnwyd amdani o leiaf. Gan fod yr Ymddiriedolwyr dan ddyletswydd ymddiriedol i sicrhau bod yr arian yn cael ei ddefnyddio yn unol â thelerau'r ymddiriedolaeth os caiff dyfynbrisiau, yn hytrach nag anfonebau, eu cyflwyno, bydd arian yn cael ei ryddhau ar ôl derbyn anfoneb daledig neu, fel arall, gallwn drefnu talu'r anfoneb yn uniongyrchol i'r contractwr. Yna gellir ffeilio'r anfonebau fel tystiolaeth bod yr arian wedi'i ddefnyddio yn unol â thelerau'r ymddiriedolaeth.

Cronfa Buddsoddiadau Cyffredin yr Eglwys yng Nghymru

Adroddiad yr Archwiliwr Annibynnol i'r Ymddiriedolwr

Barn

Rydym ni wedi archwilio datganiadau ariannol Cronfa Buddsoddiadau Cyffredin yr Eglwys yng Nghymru am y flwyddyn a ddaeth i ben ar 31 Rhagfyr 2017 sy'n cynnwys y Datganiad o Gyfanswm y Derbyniadau, Datganiad o Newid mewn Asedau Net, y Fantolen a nodiadau i'r datganiadau ariannol, gan gynnwys crynodeb o bolisiau cyfrifyddu arwyddocaol. Mae'r fframwaith adrodd ariannol a ddefnyddiwyd i'w paratoi yn ofynnol yn ôl y gyfraith ac yn ôl Safonau Cyfrifyddu'r Deyrnas Unedig gan gynnwys Safon 102 ar Adrodd Ariannol, y safon adrodd ariannol sy'n berthnasol yn y DU a Gweriniaeth Iwerddon (Ymarfer Cyfrifyddu Cyffredinol Derbyniol y Deyrnas Unedig).

Gwneir yr adroddiad hwn i aelodau'r elusen yn unig, fel corff, yn unol ag Adran 144 o Ddeddf Elusennau 2011 a rheoliadau a wnaed o dan adran 154 y Ddeddf honno. Cynhaliwyd ein gwaith archwilio fel y gallwn ddatgan wrth Ymddiriedolwr yr Elusen y materion hynny sy'n ofynnol inni eu datgan mewn Adroddiad Archwilydd ac nid at unrhyw ddiben arall. I'r graddau llawnaf a ganiateir yn ôl y gyfraith, nid ydym yn derbyn neu'n ysgwyddo unrhyw gyfrifoldeb i neb arall ac eithrio ymddiriedolwr yr elusen, am ein gwaith archwilio, ar gyfer yr adroddiad hwn, neu am y safbwyntiau rydym ni wedi eu mynegi.

Yn ein barn ni mae'r datganiadau ariannol:

- yn rhoi darlun gwir a theg o sefyllfa'r elusen fel yr oedd ar 31 Rhagfyr 2017 ac o newidiadau clir cronfeydd y Gronfa ar gyfer y flwyddyn a ddaeth i ben ar y dyddiad hwnnw;
- wedi eu paratoi'n briodol yn unol ag Arfer Cyfrifyddu a Dderbynnir yn Gyffredinol yn y Deyrnas Unedig; ac
- wedi eu paratoi'n unol â gofynion Deddf Elusennau 2011

Sail ein barn

Fe'n penodwyd fel archwilydd o dan adran 144 o Ddeddf Elusennau 2011 ac rydym yn adrodd yn unol â'r Ddeddf a rheoliadau perthnasol a wneir neu sy'n cael effaith o dan y Ddeddf honno. Cynhaliwyd ein harchwiliad yn unol â Safonau Rhyngwladol ar Archwilio (DU) (ISAs (DU)) a'r gyfraith berthnasol. Disgrifir ein cyfrifoldebau o dan y safonau hynny ymhellach yng nghyfrifoldebau'r Archwilydd am archwilio adran datganiadau ariannol ein hadroddiad. Rydym yn annibynnol ar y Gronfa yn unol â'r gofynion moesegol sy'n berthnasol i'n harchwiliad o'r datganiadau ariannol yn y DU, gan gynnwys Safon Foesegol y Cyngor Adrodd Ariannol, ac rydym wedi cyflawni ein cyfrifoldebau moesegol eraill yn unol â'r gofynion hyn. Credwn fod y dystiolaeth archwilio a gawsom yn ddigonol ac yn briodol i ddarparu sail i'n barn ni.

Cyfrifoldebau'r Archwilydd am y datganiadau ariannol

Fel yr esbonnir yn llawnach yn y Datganiad o Gyfrifoldebau'r Ymddiriedolwr ar dudalen 6, mae'r ymddiriedolwr yn gyfrifol am baratoi'r datganiadau ariannol ac am fod yn fodlon eu bod yn rhoi darlun gwir a theg, ac am y rheolaeth fewnol y mae'r ymddiriedolwr o'r farn sy'n angenrheidiol er mwyn galluogi paratoi datganiadau ariannol sy'n rhydd o gamddatganiad perthnasol, boed hynny oherwydd twyll neu gamgymeriad.

Wrth baratoi'r datganiadau ariannol, mae'r ymddiriedolwr yn gyfrifol am asesu gallu'r Gronfa i barhau fel busnes gweithredol, gan ddatgelu materion, fel sy'n berthnasol, i fusnes gweithredol a defnyddio'r sail busnes gweithredol o gyfrifo oni bai bod yr ymddiriedolwr naill ai'n bwriadu dod â'r Gronfa i ben neu roi'r gorau i weithredu, neu nad oes ganddynt ddewis arall realistig ond i wneud hynny.

Cyfrifoldebau'r Archwilydd am archwilio'r datganiadau ariannol

Ein hamcanion yw sicrhau sicrwydd rhesymol ynghylch a yw'r datganiadau ariannol yn eu cyfanrwydd yn rhydd o gamddatganiad perthnasol, boed hynny oherwydd twyll neu gamgymeriad, a chyhoeddi adroddiad archwilydd sy'n cynnwys ein barn ni. Mae sicrwydd rhesymol yn lefel uchel o sicrwydd,

Cronfa Buddsoddiadau Cyffredin yr Eglwys yng Nghymru

ond nid yw'n warant y bydd archwiliad a gynhelir yn unol â'r Safonau Rhyngwladol ar Archwilio (DU) yn canfod camddatganiad perthnasol bob amser pan fydd yn bodoli. Gall camddatganiadau godi o ganlyniad i dwyll neu gamgymeriadau ac fe'u hystyrir yn berthnasol os gellid disgwyl yn rhesymol iddynt, yn unigol neu gyda'i gilydd, ddylanwadu ar benderfyniadau economaidd defnyddwyr a wneir ar sail y datganiadau ariannol hyn.

Mae disgrifiad pellach o'n cyfrifoldebau am archwilio'r datganiadau ariannol i'w weld ar wefan y Cyngor Adrodd Ariannol yn: www.frc.org.uk/auditorsresponsibilities. Mae'r disgrifiad hwn yn rhan o adroddiad ein harchwilydd.

Casgliadau sy'n ymwneud â busnes gweithredol

Nid oes gennym unrhyw beth i'w adrodd mewn perthynas â'r materion canlynol y mae'r ISAs (DU) yn ei gwneud yn ofynnol i ni roi gwybod i chi amdanynt lle:

- nad yw defnydd yr ymddiriedolwr o'r sail busnes gweithredol o gyfrifo wrth baratoi'r datganiadau ariannol yn briodol; neu
- nad yw'r ymddiriedolwr wedi datgelu unrhyw ansicrwydd perthnasol a nodwyd yn y datganiadau ariannol a all achosi amheuaeth arwyddocaol am allu'r Gronfa i barhau i fabwysiadu'r sail busnes gweithredol o gyfrifo am gyfnod o ddeuddeg mis o leiaf o'r dyddiad y mae'r datganiadau ariannol yn cael eu hawdurdodi i'w cyhoeddi.

Gwybodaeth arall

Yr ymddiriedolwr sy'n gyfrifol am y wybodaeth arall. Mae'r wybodaeth arall yn cynnwys y wybodaeth sydd yn Adroddiad yr Ymddiriedolwr. Nid yw ein barn ar y datganiadau ariannol yn cwmpasu'r wybodaeth arall a, heblaw i'r graddau y nodir fel arall yn ein hadroddiad, nid ydym yn mynegi unrhyw fath o gasgliad sicrwydd arni.

Mewn cysylltiad â'n harchwiliad o'r datganiadau ariannol, ein cyfrifoldeb ni yw darllen y wybodaeth arall ac, wrth wneud hynny, ystyried a yw'r wybodaeth arall yn anghyson mewn ffordd berthnasol â'r datganiadau ariannol neu'r wybodaeth a gafwyd yn yr archwiliad neu sy'n gamddatganiadau perthnasol ymddangosiadol fel arall. Os byddwn yn gweld anghysondebau neu gamddatganiadau perthnasol ymddangosiadol o'r fath, mae'n ofynnol i ni benderfynu a oes camddatganiad perthnasol yn y datganiadau ariannol neu gamddatganiad perthnasol o'r wybodaeth arall. Os, yn seiliedig ar y gwaith yr ydym wedi'i gyflawni, ein bod yn dod i'r casgliad bod camddatganiad perthnasol o'r wybodaeth arall hon, mae'n ofynnol i ni roi gwybod am y ffaith honno. Nid oes gennym unrhyw beth i'w adrodd yn hyn o beth.

Materion eraill y mae'n ofynnol i ni adrodd arnynt trwy eithriad

Nid oes gennym ddim i adrodd amdano mewn perthynas â'r materion canlynol lle mae'n ofynnol yn Rheoliadau Elusennau (Cyfrifon ac Adroddiadau) 2008 i ni adrodd i chi os tybiwn:

- nad yw'r Gronfa wedi cadw cofnodion cyfrifyddu digonol; neu
- nad oes cofnodion cyfrifyddu digonol wedi'u cadw; neu
- nad yw datganiadau ariannol y Gronfa yn cytuno â'r cofnodion a'r ffurflenni cyfrifyddu; neu
- nad ydym wedi derbyn yr holl wybodaeth a'r esboniadau sydd eu hangen arnom ar gyfer ein harchwiliad.

haysmacintyre, 10 Queen Street Place, Llundain EC4R 1AG

7 June 2018

Mae haysmacintyre yn gymwys i weithredu fel archwiliwr o ran adran 1212 o Ddeddf Cwmnïau 2006.

Cronfa Buddsoddiadau Cyffredin yr Eglwys yng Nghymru

Datganiad o Gyfanswm y Derbyniadau

Am y flwyddyn a ddaeth i ben ar 31 Rhagfyr 2017

| | | 2017 | 2016 |
|---|---|------------------|-------------|
| Nodiadau | | £ | £ |
| Incwm | | | |
| Enillion Cyfalaf Clir | 2 | 4,195,831 | 5,937,747 |
| Refeniw | 3 | 1,398,693 | 1,403,392 |
| Gwariant | 4 | (201,813) | (175,298) |
| Cyfanswm y Derbyniadau cyn dosbarthu | | 5,392,711 | 7,165,841 |
| Dosbarthiad i Gyfranddalwyr | 5 | (1,196,879) | (1,228,094) |
| Newid yn yr asedau clir i'w priodoli i Gyfranddalwyr o Weithgareddau Buddsoddi | | 4,195,832 | 5,937,747 |

Datganiad o'r Newid mewn Asedau Clir i'w Priodoli i Gyfranddalwyr

Am y flwyddyn a ddaeth i ben ar 31 Rhagfyr 2017

| | | 2017 | 2016 |
|---|--|-------------------|------------|
| Nodiadau | | £ | £ |
| Asedau clir cychwynnol i'w priodoli i gyfranddalwyr | | 49,591,559 | 43,653,812 |
| Newid mewn asedau clir i'w briodoli i Gyfranddalwyr o Weithgareddau Buddsoddi | | 4,195,832 | 5,937,747 |
| Asedau clir terfynol i'w priodoli i Gyfranddalwyr | | 53,787,391 | 49,591,559 |

Cronfa Buddsoddiadau Cyffredin yr Eglwys yng Nghymru

Mantolen

Ar 31 Rhagfyr 2017

| | | 2017 | 2016 |
|---|----------|-------------------|------------|
| | | £ | £ |
| | Nodiadau | | |
| Buddsoddiadau: | | | |
| Gwarantau'r Gyfnewidfa Stoc | 6 | 49,211,851 | 45,709,674 |
| Adneuron ar y Farchnad Arian | 7 | 4,714,681 | 4,039,754 |
| | | 53,926,532 | 49,749,428 |
| Asedau clir: | | | |
| Dyledwyr | 8 | 176,946 | 183,204 |
| Credydwyr: symiau sy'n ddyledus o fewn blwyddyn | 9 | (316,087) | (341,073) |
| Dyledion Cyffredol Clir | | (139,141) | (157,869) |
| Asedau Clir | | 53,787,391 | 49,591,559 |
| Cynrychiolir gan: | | | |
| Asedau Clir i'w priodoli i Gyfranddalwyr | | 53,787,391 | 49,591,559 |

Cymeradwywyd y datganiadau ariannol ar dudalennau 10 i 16 gan Gorff y Cynrychiolwyr ar 7 Mehefin 2018.

James Turner, Cadeirydd

Geoff Moses, Ymddiriedolwr

Cronfa Buddsoddiadau Cyffredin yr Eglwys yng Nghymru

Nodiadau ar y Datganiadau Ariannol

1 Polisiâu Cyfrifyddu

Paratowyd datganiadau ariannol Cronfa Buddsoddiadau Cyffredin yr Eglwys yng Nghymru ar y sail bod y gronfa'n parhau i weithredu yn unol â Safonau Cyfrifyddu'r Deyrnas Unedig, sy'n cynnwys FRS 102 "Y Safon Adrodd Ariannol sy'n berthnasol yn y Deyrnas Unedig a Gweriniaeth Iwerddon" ac a weithredir drwy'r gyfraith (Arfer Cyfrifyddu a Dderbynnir yn Gyffredin yn y Deyrnas Unedig). Rhoddir isod grynodedb o'r prif bolisiau cyfrifyddu ac fe'u cymhwyswyd yn gyson.

(a) **Sail y paratoi**

Paratowyd y datganiadau ariannol yn unol â safon cost hanesyddol wedi'i addasu gan yr ailbriso blyneddol ar asedau buddsoddi ac yn unol â'r datganiad o Arfer a Argymhellir at Gronfeydd Awdurdodedig a gyhoeddwyd gan y Gymdeithas Rheoli Buddsoddiadau ym mis Mai 2014 (IMA SORP 2014) fel y'i diwygiwyd / diweddarwyd yn Rhagfyr 2015.

(b) **Cydnabod Refeniw**

Cronnwyd yn llawn y llog ar fenthyciadau tymor byr ac adneuo. Credydwyd llogau a difidendau ar warantau'r gyfnewidfa stoc ar ddyddiad eu derbyn.

(c) **Gwariant**

Cronnwyd pob gwariant yn llawn.

(d) **Buddsoddiadau**

Datgenir gwarantau'r gyfnewidfa stoc ar brisiau cynnig y farchnad ar 31 Rhagfyr 2017. Trosir gwarantau arian tramor i sterling ar y raddfa gyfnewid ar ddyddiad y fantolen.

(e) **Dyfarniadau, amcangyfrifon a rhagdybiaethau cyfrifyddu**

Nid yw rheolwyr wedi gwneud unrhyw ddyfarniadau cyfrifyddu yn y gyfres hon o ddatganiadau ariannol na'r cyfnod blaenorol.

| 2. Enillion Cyfalaf Clir / (Colledion) | 2017 | 2016 |
|---|------------------|-------------|
| | £ | £ |
| Enillion a wireddwyd | 1,331,780 | 1,890,198 |
| Enillion nas gwireddwyd | 2,475,970 | 3,751,367 |
| Cyfraniadau clir | 388,081 | 296,182 |
| | 4,195,831 | 5,937,747 |

| 3. Refeniw | 2017 | 2016 |
|---------------------------------|------------------|-------------|
| | £ | £ |
| Gwarantau'r gyfnewidfa Stoc | 1,398,000 | 1,402,377 |
| Llog ar Adneuo y Farchnad Arian | 693 | 1,015 |
| | 1,398,693 | 1,403,392 |

Cronfa Buddsoddiadau Cyffredin yr Eglwys yng Nghymru

Nodiadau ar y Datganiadau Ariannol

| 4. Gwariant | 2017 | 2016 |
|---------------------------|----------------|---------|
| | £ | £ |
| Ffioedd rheolwr y gronfa | 181,391 | 161,897 |
| Ffioedd ceidwad | 10,942 | 10,907 |
| Costau cynnal meddalwedd | 2,124 | 2,124 |
| Ffioedd mesur perfformiad | 7,356 | 370 |
| | 201,813 | 175,298 |

| 5. Dosbarthiad i Gyfranddalwyr | 2017 | 2016 |
|--------------------------------|------------------|-----------|
| | £ | £ |
| Talwyd | 931,635 | 933,034 |
| Cynigiwyd | 265,244 | 295,060 |
| | 1,196,879 | 1,228,094 |

| 6. Gwarantau'r Gyfnewidfa Stoc | 2017 | 2016 |
|---|-------------------|--------------|
| | £ | £ |
| Gwerth y farchnad ar 1 Ionawr | 45,709,674 | 41,392,662 |
| Ychwanegwyd | 16,655,635 | 10,970,522 |
| Gwaredwyd | (15,629,428) | (10,404,877) |
| Cynnydd clir ar adbriso | 2,475,970 | 3,751,367 |
| Gwerth y Farchnad ar 31 Rhagfyr | 49,211,851 | 45,709,674 |
| Cost hanesyddol ar 31 Rhagfyr | 37,791,806 | 36,765,599 |
| Enillion nas gwiredwyd a gyfrifwyd ar sail hanesyddol | 11,420,045 | 8,944,075 |
| Rhestrwyd yn y DU | 26,822,848 | 24,199,537 |
| Rhestrwyd dramor | 22,389,003 | 21,510,137 |
| | 49,211,851 | 45,709,674 |

Cronfa Buddsoddiadau Cyffredin yr Eglwys yng Nghymru

Nodiadau ar y Datganiadau Ariannol

| 7. Adneuron y Farchnad Arian | 2017 | 2016 |
|---------------------------------------|------------------|-----------|
| | £ | £ |
| Cyfalaf Buddsoddi a ddelir mewn arian | 4,575,540 | 3,881,884 |
| Adneuron ar y Farchnad Arian | 139,141 | 157,870 |
| | 4,714,681 | 4,039,754 |

| 8. Dyledwyr | 2017 | 2016 |
|---------------------------------------|----------------|---------|
| | £ | £ |
| Symiau'n ddyledus gan Reolwr y Gronfa | 176,946 | 183,204 |
| | 176,946 | 183,204 |

| 9. Credydwyr: symiau i'w talu o fewn blwyddyn | 2017 | 2016 |
|---|----------------|---------|
| | £ | £ |
| Symiau'n ddyledus i Gyfranddalwyr | 265,244 | 295,060 |
| Credydwyr eraill | 50,843 | 46,013 |
| | 316,087 | 341,073 |

10. Offerynnau Ariannol

Mae offerynnau ariannol y Gronfa'n cynnwys gwarantau a buddsoddiadau eraill, mantolenni ariannol a dyledwyr a chredydwyr sy'n codi'n uniongyrchol o'i gweithrediadau.

Y prif risgiau mae'r Gronfa'n eu hwynebu yn ei phortffolio o weithgareddau rheoli yw:

- Risg arian cyfred tramor
- Risg pris y farchnad

Mae'r polisïau ar gyfer rheoli'r risgiau hyn wedi'u crynhoi isod ac wedi'u cymhwyso trwy gydol y flwyddyn.

a) Risg arian cyfred tramor

Gall cyfran o asedau ariannol y Gronfa fod mewn arian cyfred penodedig ac eithrio sterling gyda'r canlyniad fod Datganiad Cyfanswm y Derbyniadau a Datganiad y Newid mewn Asedau Clir a briodolir i Gyfranddalwyr yn gallu cael eu heffeithio gan symudiadau mewn arian cyfred.

Rheoli'r risg

Mae Rheolwr y Gronfa yn monitro'r graddau mae'r Gronfa yn agored i arian cyfred tramor yn ddyddiol ac yn mesur y risg i'r Gronfa o fod yn agored i arian cyfred tramor.

Cronfa Buddsoddiadau Cyffredin yr Eglwys yng Nghymru

Nodiadau ar y Datganiadau Ariannol

Sensitifrwydd arian cyfred tramor

Mae'r tabl canlynol yn dangos sensitifrwydd yr elw net i Sterling yn erbyn Doler UDA a'r Ewro, ac yn rhagdybio cynnydd neu leihad o 10% (2016: 15%) ar Ddoler UDA a 5% (2016: 15%) mewn cyfraddau cyfnewid. Mae Doler UDA a'r Ewro yn cyfateb i 62% o elfen dramor y Gronfa.

Pennwyd y ganran hon ar sail anwadalwch marchnad y cyfraddau cyfnewid dros y deuddeg mis diwethaf. Seilir y dadansoddiad sensitifrwydd ar offerynnau ariannol arian cyfred tramor y Gronfa a ddaliwyd ar ddiwedd y flwyddyn.

Pe bai Sterling wedi gwanhau dyma fyddai'r effaith wedi bod ar werth y buddsoddiadau:

| | 2017 £ | 2016 £ |
|-----------|------------------|-----------|
| Doler UDA | 926,373 | 1,554,864 |
| Yr Ewro | 234,524 | 441,856 |
| | 1,160,897 | 1,996,720 |

Pe bai sterling wedi cryfhau dyma fyddai'r effaith wedi bod ar werth y buddsoddiadau:

| | 2017 £ | 2016 £ |
|-----------|--------------------|-------------|
| Doler UDA | (926,373) | (1,554,864) |
| Yr Ewro | (234,524) | (441,856) |
| | (1,160,897) | (1,996,720) |

b) Risg Pris y Farchnad

Gall gwerth teg buddsoddiadau a ddelir gan y Gronfa amrywio yn sgil newidiadau i brisiau'r farchnad. Mae Rheolwr y Gronfa'n asesu'r risg o fod yn agored i'r farchnad wrth wneud pob penderfyniad ar fuddsoddi, ac yn monitro lefel gyffredinol risg y farchnad ar y portffolio buddsoddi yn barhaus.

Rheoli'r Risg

Mae'r pwyllgor Buddsoddi yn adolygu'r portffolio bob chwarter ac yn monitro cyfanswm yr elw ar y portffolio yn erbyn y meincnod.

Sensitifrwydd risg yn sgil prisiau eraill

Mae'r canlynol yn dangos sensitifrwydd yr elw clir am y flwyddyn a'r ecwiti i gynnydd neu leihad o 20% (2016: 20%) yng ngwerth teg ecwitiâu'r Gronfa. Ystyrir y lefel hon o newid yn rhesymol seiliedig o bosibl ar arsylwadau o gyflwr y farchnad yn ystod y flwyddyn. Mae'r dadansoddiad sensitifrwydd yn seiliedig ar ecwitiâu'r Gronfa ar ddyddiad y fantolen, gyda'r holl newidynnau eraill yn cael eu dal yn gyson.

Cronfa Buddsoddiadau Cyffredin yr Eglwys yng Nghymru

Nodiadau ar y Datganiadau Ariannol

| | 2017 | | 2016 | |
|---------------------------------|---------------------------|---------------------------|---------------------------|---------------------------|
| | Cynnydd mewn gwerth teg £ | Lleihad mewn gwerth teg £ | Cynnydd mewn gwerth teg £ | Lleihad mewn gwerth teg £ |
| Effaith ar dderbyniadau cyfalaf | 10,757,678 | (10,757,678) | 9,957,009 | (9,957,009) |

11. Trafodion Parti Perthynol

Mae Corff Cynrychiolwyr yr Eglwys yng Nghymru yn Ymddiriedolwr o'r Gronfa Buddsoddiadau Cyffredin ac yn talu costau gweinyddol y Gronfa Buddsoddiadau Cyffredin gan gynnwys y ffi archwilio.

